



Broj: 05-3051-11/20
Sarajevo, 20.08.2020. godine

Na osnovu člana 23. stav (1) tačka d) Zakona o Agenciji za bankarstvo FBiH ("Službene novine Federacije BiH", broj 75/17), člana 16. stav (1) tačka j) Statuta Agencije za bankarstvo Federacije BiH ("Službene novine Federacije BiH", broj 3/18), člana 69. stav (2) tačka d) i člana 70. stav (1), (4) i (6) Zakona o javnim nabavkama ("Službeni glasnik BiH", broj 39/14), a na osnovu preporuke komisije iz Zapisnika o ponovnom pregledu i ocjeni ponuda u postupku nabavke usluga internet provajdera za potrebe Agencije za bankarstvo Federacije BiH u dijelu koji se odnosi na Lot 1, broj: 05-3051-10/20 (Lot 1) od 20.08.2020. godine, direktor Agencije za bankarstvo Federacije BiH donio je

O D L U K U o poništenju postupka javne nabavke usluga

I

Poništava se postupak javne nabavke usluga internet provajdera ponude za potrebe Agencije za bankarstvo Federacije BiH proveden putem konkurentskog zahtjeva za dostavu ponuda u dijelu koji se odnosi na Lot 1, jer nijedna od primljenih ponuda nije ocijenjena prihvatljivom.

II

Ponude ponuđača: „Team Consulting“ d.o.o. Sarajevo, „Logosoft“ d.o.o. Sarajevo, „Mtel“ a.d. Banja Luka i „Telemach“ d.o.o. Sarajevo, odbacuju se kao nepotpune zbog neispunjavanja kvalifikacijskih uslova utvrđenih u tenderskoj dokumentaciji.

III

U skladu s članom 70. stav (6) Zakona o javnim nabavkama BiH, ugovorni organ će objaviti ovo odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku javne nabavke.

O b r a z l o ž e n j e

Postupak javne nabavke predmetne usluge pokrenut je Odlukom o pokretanju postupka javne nabavke usluga, broj: 05-3051/20 od 22.07.2020. godine. Javna nabavka sprovedena je putem konkurentskog zahtjeva za dostavu ponuda, uz odabir najniže cijene tehnički zadovoljavajuće ponude kao kriterija za dodjelu ugovora. U skladu sa članom 35. Zakona o javnim nabavkama BiH, Obavještenje o nabavci broj: 3010-7-2-200-3-46/20 objavljeno je na Portalu javnih nabavki (ejn.gov.ba) dana 22.07.2020 godine. Procijenjena vrijednost javne nabavke utvrđena je u ukupnom iznosu od 8.000,00 KM, bez poreza na dodanu vrijednost (PDV), a nabavka je podijeljena na dva lota.

- Lot 1 – 4.000,00 KM
- Lot 2 – 4.000,00 KM.

Dana 06.08.2020. godine, po preporuci Komisije, direktor ugovornog organa, donio je Odluku o izboru najpovoljnijeg ponuđača – Lot 1 i poništenju postupka – Lot 2 u postupku javne nabavke usluga, broj: 05-3051-5/20, te je u dijelu postupka koji se odnosi na Lot 1 ugovor za predmetnu nabavku dodijelio privrednom subjektu "Team consulting" d.o.o. Sarajevo, dok je dio postupka koji se odnosi na Lot 2 poništio s obzirom da nijedna od zaprimljenih ponuda nije prihvatljiva za ugovorni organ. Navedena odluka je dana 07.08.2020. godine dostavljena svim učesnicima u predmetnom postupku.

Na navedenu Odluku uložena je žalba ponuđača „Mtel“ a.d. Banja Luka, nakon čega je dana 19.08.2020. godine ugovorni organ donio Odluku broj: 05-3051-7/20, kojom je usvojena navedena žalba u dijelu koji se odnosio na Lot 1, te je stavljena van snage Odluka o izboru najpovoljnijeg

ponuđača – Lot 1 i poništenju postupka – Lot 2 u postupku javne nabavke usluga, broj: 05-3051-5/20, od 06.08.2020. godine u dijelu koji se odnosi na Lot 1.

Dana 20.08.2020. godine, Komisija za javne nabavke je održala sastanak na kojem je ponovno izvršila pregled, evaluaciju i davanje konačne preporuke za odabir najpovoljnije ponude, te je uvidom u Zapisnik o zaprimanju podnesenih ponuda, broj: 05-3051-10/20 (Lot 1) od 20.08.2020. godine, utvrđeno da su po predmetnom postupku u dijelu nabavke koji se odnosi na Lot 1 pravovremeno pristigle 4 (četiri) ponude.

Nadalje, Komisija je pristupila pregledu i ocjeni pristiglih ponuda u pogledu ispunjavanja zadanih kvalifikacijskih uslova, te u procesu evaluacije istih evidentirala određene nepravilnosti u dostavljenoj dokumentaciji ponuđača „Team Consulting“ d.o.o. Sarajevo, „Logosoft“ d.o.o. Sarajevo, „Mtel“ a.d. Banja Luka i „Telemach“ d.o.o. Sarajevo, te su iste ocijenjene kao neprihvatljive za ugovorni organ iz slijedećih razloga:

- Ponuđač „LOGOSOFT“ d.o.o. Sarajevo nije ispunio minimalne uslove za kvalifikaciju navedene u:
 - poglavlju V. – ostali podaci, tačka 5.1 (Pismena izjava iz člana 52. Zakona o javnim nabavkama), tako što je ponuđač dostavio Izjavu iz člana 52. Zakona o javnim nabavkama, koja je data od strane lica Mirela Sofić, koja je od strane direktora ponuđača „LOGOSOFT“ d.o.o. Sarajevo Damira Dizdarevića opunomoćena za poduzimanje radnji u predmetnoj nabavci. Uvidom u aktuelni izvod iz sudskog registra, koji je ponuđač dostavio u okviru svoje ponude, utvrđeno je da Mirela Sofić nije lice koje je ovlašteno za zastupanje privrednog subjekta „LOGOSOFT“ d.o.o. Sarajevo i posljedično tome, nije lice koje može u ime direktora, pod punom materijalnom, krivičnom i moralnom odgovornošću izjaviti da direktor, kao zakonski zastupnik ponuđača, nije u konkretnom slučaju javne nabavke učestvovao u koruptivnim radnjama, odnosno dati Izjavu iz člana 52. Zakona o javnim nabavkama.
- Ponuđač „Mtel“ a.d. Banja Luka nije ispunio minimalne uslove za kvalifikaciju navedene u:
 - poglavlju III. – Uslovi za kvalifikaciju ponuđača, tačka 1.3 (Ekonomska i finansijska sposobnost – član 47. Zakona o javnim nabavkama) tenderske dokumentacije, tako što je dostavio uvjerenje o likvidnosti od strane „NLB Banke“ a.d. Filijala Banja Luka od dana 23.07.2020. godine, s navodima da pravno lice posjeduje transakcioni račun, koji se vodi kao „Glavni račun“ i da na istom računu nema blokadu, tj. da je račun likvidan u prethodnih 12 (dvanaest) mjeseci, što je u suprotnosti s zadanim uslovom u navedenoj tački tenderske dokumentacije, kojim je traženo da potvrda mora biti izdata od banke sa navodima da „Glavni račun“ ponuđača nije bio blokiran u zadnjih 12 (dvanaest) mjeseci od datuma objave Obavještenja o nabavci (22.07.2020. godine);
- Ponuđač „TELEMACH“ d.o.o. Sarajevo nije ispunio minimalne uslove za kvalifikaciju navedene u:
 - poglavlju V. – ostali podaci, tačka 5.1 (Pismena izjava iz člana 52. Zakona o javnim nabavkama), tako što je ponuđač dostavio Izjavu iz člana 52. Zakona o javnim nabavkama, koja je data od strane lica Sanida Fejzić, koja je od strane direktora ponuđača „TELEMACH“ d.o.o. Sarajevo Admira Drinića opunomoćena za poduzimanje radnji u predmetnoj nabavci. Uvidom u aktuelni izvod iz sudskog registra, koji je ponuđač dostavio u okviru svoje ponude, utvrđeno je da Sanida Fejzić nije lice koje je ovlašteno za zastupanje privrednog subjekta „TELEMACH“ d.o.o. Sarajevo i posljedično tome, nije lice koje može u ime direktora, pod punom materijalnom, krivičnom i moralnom odgovornošću izjaviti da direktor, kao zakonski zastupnik ponuđača, nije u konkretnom slučaju javne nabavke učestvovao u koruptivnim radnjama, odnosno dati Izjavu iz člana 52. Zakona o javnim nabavkama.

- Ponuđač „TEAM CONSULTING“ d.o.o. Sarajevo nije ispunio minimalne uslove za kvalifikaciju navedene u:
 - poglavlju IV – Podaci o ponudi, tačka 4. (Način dostave ponude) tenderske dokumentacije, tako što je dostavio jedinstvenu ponudu za Lot 1 i Lot 2 u jednoj zajedničkoj koverti sa naznakom da ponudu dostavlja za oba lot-a, a koja mogućnost je postojala prema tenderskoj dokumentaciji. Međutim, dokazi za kvalifikaciju za oba lot-a nisu dostavljena zasebno, nego kao jedinstvena dokumentacija, niti su dostavljeni posebno za svaki lot, što je u suprotnosti s zadanim uslovima u navedenoj tački tenderske dokumentacije, kojim je traženo da ponuđač koji dostavlja ponude za jedan lot ili za dva lot-a može dokumente kojima dokazuje da ne postoje razlozi za isključenje i dokazi sposobnosti, koji su zajednički za oba lot-a, dostaviti u posebnoj koverti na kojoj će jasno naznačiti da dostavlja dokaze za kvalifikaciju ili posebno uz svaki lot.

Uzevši u obzir sve prednje navedene činjenice i okolnosti, polazeći od toga da nijedan ponuđač nije ponudio prihvatljivu ponudu, komisija je prispjele ponude ocijenila kao neprihvatljive i nepotpune, jer nisu u skladu s uslovima utvrđenim u tenderskoj dokumentaciji i predložila da se iste odbiju u skladu s članom 68. stav (1) i stav (4) tačka i) Zakona o javnim nabavkama, te dala preporuku da se predmetni postupak poništi u skladu s članom 69. stav (1) tačka b) i stav (2) tačka d) Zakona o javnim nabavkama BiH.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama BiH.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

DIREKTOR

Jasmin Mahmuzić



Dostaviti:

- učesnicima u postupku;
- a.a.

